

INUIT ATAQATIGIIT

INATSISARTUNI



Nuuk, d. 24. juni 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Juliane Henningsen, Inuit Ataqtigiiit)

Apeqqutit:

1. Oqaatsinut politikkimut inatsit naapertorlugu ingerlatseqatigiiffiit, namminersortuugunik imaluunniit pisortatigoortuugunik, minnerpaamik qulinik sulisoqarunik oqaatsinut tunngasumik politikkissaminnik sanasus-saapput. Manna tikillugu ingerlatseqatigiiffiit qassit oqaatsinut politik-kiminnik nakkutilliisoqarfimmu nassiussisimanerannik Naalakkersuisut ilisimasaqarnerlutik?
2. Inatsit naapertorlugu ingerlatseqatigiiffiit inatsimmik equutsitsinngitsut akiligassinneqarsinnaapput. Taamungaannaq ilaannaanik misissuiner-tigut allatigulluunniit nakkutilliisoqarsimanerluni?
3. Akiligassiisoqarsimava/kinguneqartitsisoqarsimava?
4. Naalakkersuisut naliliinerat naapertorlugu ingerlatseqatigiiffiit inatsim-mik malinnillutik peqataanerat naammaginarartinneqarnerluni?
5. Oqaatsinut politikkimut atatillugu inatsisip atuuttup allannguuteqar-nissaanut Naalakkersuisut siunnersuuteqarnialersaarnertut?
6. Naalakkersuisooqatigiit allapput: *".. (tusagassiorfitsigut) oqaatsitta pingaarnertut atugaanerit ersarissumik piumasaqaatigineqartaria-qarpoq"* Taamatut kissaateqarneq qanoq timitalerneqassava qanorlu iliuuseqarnikkut tamanna pissava?
7. Naalakkersuisooqatigiit aatsitassanut tunngatillugu ima allapput: *"Tusar-niaasarnerni tamatigut oqaatsit pillugit inatsit malinneqartassaaq."* Taamatut oqarnermi suna pineqarpa?
8. Allattariarsornikkut oqalunnikkullu innuttaaqataasut amerlanerit kalaallit oqaasiinik piginnaasaqalernissaat qanoq iliuuseqarnikkut Naalakkersui-sunit qulakkearniarneqarpa – aningaasanut inatsit aqqutigalugu ilaatigut tamatumunnga aningaasanik immikkoortitsisoqassasoq takorloorneqar-nerluni?
9. Pisortat allaffeqarfiini kalaallit oqaasiinik atuisuunatik sulisuusut taa-maattumillu oqaatsinik allanik atuillutik sulisuusut Naalakkersuisut qanoq isumaqarfigivaat?
10. Piffissaq sivilisunerusoq eqqarsaatigalugu Naalakkersuisunit anguniarne-qarnerluni nunarput tassaassasoq kalaallisuinnaq oqaaseqarfiusoq, imaluunniit siunissami Naalakkersuisunit takorloorneqarpa kalaallit suliffeqarfiutaanni aamma danskit oqaasii immaqalu nunami allamiut oqaasii aamma atorneqarsinnaassasut?

Tunngavilersuut:

Oqaatsit tassaapput inuiaqatigiinni sutigut tamatigut oqallisigineqartartut. Oqaatsinut politikkitigut Naalakkersuisut takorluugaat pilersaarutaallu tusagaqarfigerusuppakka. Taamatuttaaq Naalakkersuisut oqaatsit pillugit siunnersuuteqarnialersaarnersut tusaga-qarfigerusuppara.